



Broj: 02-04-58443-2/25
Sarajevo, 26.12.2025. godine

PREDSJEDAVAJUĆI SKUPŠTINE KANTONA SARAJEVO
ZASTUPNICI SKUPŠTINE KANTONA SARAJEVO

PREDMET: Stavovi na Amandmane klubova zastupnika u Skupštini Kantona Sarajevo i zastupnika u Skupštini Kantona Sarajevo na prijedlog Budžeta Kantona Sarajevo za 2026. godinu.

Na **140. vanrednoj** sjednici Vlade Kantona Sarajevo održanoj **26.12.2025.** godine, a u funkciji pripreme **28. Radne** sjednice Skupštine Kantona Sarajevo, razmatrani su amandmani klubova zastupnika u Skupštini Kantona Sarajevo i zastupnika u Skupštini Kantona Sarajevo na prijedlog Budžeta Kantona Sarajevo za 2026. godinu, i to:

1. Amandman Viteškić Smiljane, zastupnice Stranke demokratske akcija u Skupštini Kantona Sarajevo,
2. Amandmani Hodžić Admele, samostalne zastupnice u Skupštini Kantona Sarajevo
3. Amandmani Hašimbegović Marijele, zastupnice Demokratske fronte u Skupštini Kantona Sarajevo,
4. Amandman Ilijaza Pilava, zastupnika Demokratske fronte u Skupštini Kantona Sarajevo,
5. Amandmani Kluba zastupnika Stranke demokratske akcije u Skupštini Kantona Sarajevo,
6. Amandmani Vujović Vedrane, zastupnice Demokratske fronte u Skupštini Kantona Sarajevo.

Nakon razmatranja amandmana klubova zastupnika u Skupštini Kantona Sarajevo i zastupnika u Skupštini Kantona Sarajevo na prijedlog Budžeta Kantona Sarajevo za 2026. godinu, Vlada Kantona Sarajevo zauzela je sljedeće

STAVOVE

1. Amandman Viteškić Smiljane, zastupnice Stranke demokratske akcija u Skupštini Kantona Sarajevo

U skladu sa članom 152. Poslovnika o radu SKS BR.41/12-Drugi prečišćeni tekst, 15/13, 47/1#, 47/15, 48/16, 48/16, 9/20, 14/20, 16/22, 17/22-Ispravka i 47/24 upućujem sljedeći prijedlog amandmana na Prijedlog Budžeta KS za 2026.g.

AMANDMAN I

U Prijedlogu Budžeta za 2026.g.na poziciji 614 300, QAN 001- Tekući transferi neprofitnim organizacijama i inkluzija visoko obrazovanje, na kojoj Budžt iznosi 3 190 922 KM, izdvoji stavka

za redovno finansiranje uposlenika Nacionalne i univerzitetske biblioteke BiH u godišnje iznosu od 920 000,0 KM.

Obrazloženje:

Ovim rješenjem bi se pravo za isplatu minimalnih plaća i naknada uposlenika NUUBBiH izjednačilo sa ostalih 6 institucija kulture BiH čiji je osnivač država, na način da se za preostalih 38 uposlenika NUUBBiH u budžetu KS uključe sredstva prema kojima će biti isplaćene minimalne plate i naknade (2.080,00 BAM po zaposleniku x38 uposlenika). Ovakve su stavke već uključene za privremeno finansiranje ostalih 6 institucija kulture. U Nalogu OHR br.02/2024 („Sl.glasnik BiH" br82/24) između ostalog je navedeno da se na isti način trebaju tretirati 7 institucija kulture smještenih u Sarajevu, do preuzimanja odgovornosti vlasnika i osnivača za ljude i gradu koju čuvaju u ime svih državljana BiH ili do donošenja nove odluke OHR, koji će tu brigu nametnuti odgovornim institucijama.

Zakonski osnov za navedeni prijedlog amandmana su Ustav i međunarodne obaveze BiH, kako je navedeno u Nalogu visokog predstavnika br.02/2024.od 21.11.2024.g. te Zakon o privremenom preuzimanju sufinansiranja ustanova kulture i obrazovanja čiji je osnivač Bosna i Hercegovina („Sl. novine KS" br 17/24).

Pet od sedam institucija kulture uključene su u prijedlog budžeta kao stavke koje je predložilo Ministarstvo kulture i sporta KS, Plate i naknade zaposlenih u Zemaljskom muzeju također su uključene kao posebne stavke u budžetu za 2026.g. Onovni troškovi plata 38 zaposlenih u NUBBiH nisu uključene u bilo koji kantonalni, entitetski niti državni prijedlog budžeta za 2026.g

Stav predlagača:

Amandman se ne prihvata.

Obrazloženje:

Sredstva za funkcionisanje Nacionalne univerzitetske biblioteke BiH su planirana u okviru Ministarstva za nauku, visoko obrazovanje i mlade Kantona Sarajevo unutar agregiranih pozicija.

2. Amandmani Hodžić Admele, samostalne zastupnice u Skupštini Kantona Sarajevo

Na osnovu člana 163. Poslovnika Skupštine Kantona Sarajevo podnosim sljedeći amandman na Prijedlog Budžeta Kantona Sarajevo za 2026. godinu.

A M A N D M A N I

Na osnovu člana 163. Poslovnika Skupštine Kantona Sarajevo podnosim sljedeći amandman na Prijedlog Budžeta Kantona Sarajevo za 2026. godinu.

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo

Umanjuju se sredstva sa ekonomskog koda:

- **614100 YAL002 056F** - Tekući transfer općinama - Higijenski servis umanjuje se za 50.000,00 KM

Ministarstvo za rad, socijalnu politiku raseljena lica i izbjeglice Kantona Sarajevo

Povećavaju se sredstva na ekonomskom kodu:



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

- **614300 NAN045 107F - SOCIJALNI PROJEKTI I INKLUZIJA ZA RANOM INTERVENCIJOM (AGREGIRANA POZICIJA)** sa 1.490.720 KM na 1.540,720 KM za otvaranje nove budžetske pozicije.

Otvara se nova budžetska pozicija sa iznosom od 50.000,00 KM za program utroška u okviru socijalni projekti

- **NOV - Finansiranje nabavke i distribucije pomagala / asistivnih tehnologija, koje se ne vode kao medicinske sprave.**

Obrazloženje:

Ovom inicijativom koju smo uputili prema Vladi Kantona Sarajevo i nadležnim ministarstvima tražim da se u Prijedlogu Budžeta Kantona Sarajevo za 2026. godinu planiraju posebna sredstva za obezbjeđenje savremenih asistivnih tehnologija pomagala za osobe sa invaliditetom.

Osobe sa invaliditetom u Kantonu Sarajevo ostvaruju pravo na pomagala po Uredbi o obimu, uslovima i načinu ostvarivanja prava osiguranih lica Kantona Sarajevo na medicinska pomagala ("Službene novine Kantona Sarajevo", broj: 22/20).

Pored toga što je broj pomagala ograničen, javlja se i problem zbog neadekvatne definicije, jer se ista vode kao medicinska pomagala (medicinska sredstva). Ovo podrazumijeva da se i dalje u pristupu koristi medicinski model, iako svi domaći i međunarodni dokumenti koji se odnose na oblast invalidnosti, predviđaju napuštanje ovog modela i prelaženje na model socijalne integracije zasnovane na ljudskim pravima. Način dodjele pomagala preko Zavoda zdravstvenog osiguranja Kantona Sarajevo je samo u određenoj mjeri održiv, jer se mnoga savremena pomagala, ne mogu tretirati medicinskim spravama, već podrškom za inkluziju osoba sa invaliditetom, u svim segmentima privatnog i društvenog života.

Standardna pravila za izjednačavanje mogućnosti za osobe sa invaliditetom, UN Konvencija o pravima osoba sa invaliditetom, Preporuke UN Komiteta za prava osoba sa invaliditetom, koje se dostavljene BiH, te mnoge deklaracije koje je BiH potpisala, traže od države da obezbijedi mogućnost da osobe sa invaliditetom mogu dobiti pomagala koja su im neophodna u svakodnevnom funkcionisanju.

Treći Kongres osoba sa invaliditetom u BiH, koji je održan u oktobru 2025.godine, a koji je bio posvećen upravo asistivnim tehnologijama, insistirao je da se u našoj državi promijeni pristup u obezbjeđivanju i distribuciji asistivnih tehnologija. To znači da se pored pomagala koja se mogu dobiti kroz Zavod zdravstvenog osiguranja KS, obezbijede i pomagala koja su neophodna osobama sa invaliditetom u svakodnevnom životu, a posebno u oblasti obrazovanja, zapošljavanja i zadovoljavanja drugih potreba, na način kako to rješavaju i građani bez invaliditeta.

Također, na okruglom stolu, koji je organizovao Koordinacioni odbor organizacija osoba sa invaliditetom Kantona Sarajevo, 18.11.2025. godine, u usvojenim zaključcima su obuhvaćeni i zahtjevi osoba sa invaliditetom Kantona Sarajevo kojima su savremene asistivne tehnologije pomagala za osobe sa invaliditetom neophodna za obavljanje svakodnevnih životnih potreba.

Obzirom da Vlada Kantona Sarajevo nije prihvatila prijedlog na Nacrt Budžet za 2026. godinu podnosim ovaj amandman na Prijedlog Budžeta Kantona Sarajevo za 2026. godinu.

Stav predlagača:

Amandman se ne prihvata.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

Obrazloženje:

Preduslov za uvrštavanje ove pozicije je kreiranje programa finansiranje nabavke i distribucije pomagala/asistivnih tehnologija, koje se ne vode kao medicinske sprave. Ukoliko se ovaj program uspostavi u 2026. godini, u okviru postojeće pozicije unutar Ministarstva za rad, socijalnu politiku, raseljena lica i izbjeglice Kantona Sarajevo (Socijalni programi) moguće je izraditi program utroška za finansiranje istog.

A M A N D M A N II

Na osnovu člana 163. Poslovnika Skupštine Kantona Sarajevo podnosim sljedeći amandman na Prijedlog Budžeta Kantona Sarajevo za 2026. godinu

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo

Umanjuju se sredstva sa ekonomskog koda:

- 613900 YAK008 056F Finansiranje troškova iz segmenta zajedničke i individualne komunalne potrošnje umanjuje se za 1.000.000,00 KM

Otvara se nova budžetska pozicija:

- 821 500 NOV - Izrada glavnog projekta za "Vodotok Crna Rijeka" u iznosu od 1.000.000,00 KM.

Obrazloženje:

U Budžetu Kantona Sarajevo za 2019. godinu u okviru Ministarstva privrede Kantona Sarajevo, bila su planirana sredstva na ekonomskom kodu 614300 1AN052 - Izrada glavnog projekta za vodovod Crna rijeka u iznosu od 1.000.000,00 KM. U Prijedlogu Budžeta Kantona Sarajevo za 2026. godinu nema te pozicije, kao ni u prethodnim godinama.

Podnosili smo inicijative Ministarstvu privrede Kantona Sarajevo i Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo za ovaj projekt. Od Ministarstva privrede Kantona Sarajevo, nakon 6 mjeseci dobili smo sljedeći odgovor: "Odgovor: Uzimajući u obzir navedenu inicijativu, Ministarstvo privrede Kantona Sarajevo ima načelan stav da podržava sve inicijative koje imaju za cilj poboljšanje usluga javnog vodosnabdijevanja, kao i snabdijevanja električnom energijom građana Kantona Sarajevo. Međutim, potrebno je ukazati na slijedeće. Naime, prema članu 4. tačka 27. Zakona o vodama ("Službene novine Federacije BiH", broj 70/06) javno vodosnabdijevanje podrazumijeva poslove zahvatanja podzemnih ili površinskih voda za snabdijevanje vodom stanovništva, njihovo prečišćavanje do stepena zdravstvene ispravnosti i dovođenja do mjesta potrošnje i raspodjele korisnicima voda. Također, prema odredbama člana 3. stav (1) tačka a), člana 4. stav (1), čl. 10. i 12. Zakona o komunalnim djelatnostima ("Službene novine Kantona Sarajevo", br. 14/16, 43/16, 10/17, 19/17, 20/18 i 22/19) javno vodosnabdijevanje jeste jedna od komunalnih djelatnosti, a komunalne djelatnosti se obavljaju putem javnog preduzeća komunalnih djelatnosti odnosno privrednog društva kojem je dodjeljena koncesija u skladu sa odredbama Zakona o koncesijama ("Službene novine Kantona Sarajevo", br. 27/11, 33/12 odluka US, 15/13 i 1/22). S tim u vezi, javno vodosnabdijevanje u nadležnosti je KJKP "Vodovod i kanalizacija" d.o.o. Sa-raj-jevo, dok je s druge strane pitanje proizvodnje električne energije regulirano Zakonom o električnoj energiji Federacije BiH ("Službene novine Federacije BiH", broj 60/23), **te ni jedno od navedenog prema važećim propisima nije u nadležnosti ovog Ministarstva.**"



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-000, Fax: + 387 (0) 33 562-076

Web: <http://vlada.ks.gov.ba>, E-mail: vlada@vlada.ks.gov.ba

2019. godine je vjerovatno bilo ali sada nije, te smo zbog toga podnijeli inicijativu Minis-tarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo za ovaj projekt.

Veoma je veliki značaj Projekta "Višenamjenski vodoprivredni podsistem Crna Rijeka" za koji su razgovori aktuelizirani već sada davne 2018. godine. Projekat koji bi dugoročno riješio problem vodosnabdijevanja Sarajeva, a za projektnu dokumentaciju davno započetog projekta "Višenamjenski vodoprivredni podsistem Crna rijeka", bilo bi potrebno pristupiti pripremi neophodne dokumentacije kao i određivanju vremenskog okvira za realizaciju projektnih aktivnosti, koji bi sistemu vodosnabdijevanja svih općina u Kantonu Sarajevo i osigurao brojne prednosti, odnosno oko 5.000 l/sec vode, proizvodnju električne energije, zaštitu od poplava Sarajevskog polja, razvoj turizma i drugih pogodnosti koje daje ovaj Višenamjenski vodoprivredni podsistem Crna rijeka.

Budžetom 2019. godine bila su planirana sredstva od oko 1 milion KM za početak izrade projektne dokumentacije i plana aktivnosti za realizaciju ovog projekta, ali nikada do danas nisu poduzete nikakve aktivnosti da bi se barem započela priprema za realizaciju ovako značajnog projekta.

Projekat predviđa gradnju akumulacije koja bi obuhvatila oko 224 hektara na lokalitetu Delijaši, Crna Rijeka, kao i gradnju brane visine 90 metara. Voda iz akumulacije bi se cjevovodima spuštala prema gradu Sarajevo do rezervoara gdje bi se vršilo njeno filtriranje i priprema za upotrebu u domaćinstvima.

Ovakav jedan sistem bi obezbjeđivao dugoročno potrebnu količinu vode za cijelo područje Kantona Sarajevo. Danas imamo situaciju da bi trebalo da bude snabdijevano sa oko 3.000 litara vode u sekundi, ali ljeti te količine vode spadnu i na 1.600 litara u sekundi, zbog čega se dešavaju česte redukcije. Ovim sistemom, posebno kada su sušni periodi, iz akumulacije bi se obezbijedilo 5.000 litara vode u sekundi što je dovoljno za normalno vodosnabdijevanje cijelog grada.

Realno postoji mogućnost da Skupština Kantona Sarajevo proglasi javni interes za realizaciju ovog projekta, što bi značajno moglo skratiti procedure koje se tiču planiranja, projektovanja, kao i izdavanja dozvola za gradnju.

Naime, svjedoci smo velikih nedostataka vode u vodovodnoj mreži u Kantonu Sarajevo, barem na ovom području koji opslužuje i servisira KJKP Vodovod i Kanalizacija Sarajevo. Ovo komunalno preduzeće također velike probleme ima sa gubitkom vode u cijeloj vodovodnoj mreži, a svjedoci smo tokom ljeta zbog suša i manjka akumuliranih zaliha vode, zbog čega su građani prinuđeni na česte redukcije vode. Zbog toga što se broj stanovnika iz godine u godinu povećava, gradnjom novih stambenih kolektivnih jedinica i zbog toga što imamo gubitke vode u mreži što dovodi do čestih isključenja i redukcija smatramo da je ovo jedan od najznačajnijih projekata u budućnosti Kantona Sarajevo, odnosno područja na kojem vodoopskrbu pruža KJKP Vodovod i Kanalizacija Sarajevo. Ne možemo planirati razvoj Kantona u bilo kojem smislu, ako nemamo razvijenu osnovnu infrastrukturu za pružanje osnovnih životnih usluga građanima Kantona Sarajevo. Zbog područja koje se nalazi u Kantonu Sarajevo koje ima sve preduslove za kompletnu gradnju Projekta "Višenamjenski vodoprivredni podsistem Crna rijeka" gdje Skupština Kantona Sarajevo i resorna ministarstva imaju isključivu nadležnost na ovom području, stoga bi bilo potrebno planirati sve aktivnosti na istraživanju, projektovanju i realizaciji kompletnog projekta na području Kantona Sarajevo. Obilno bogatstvo vodom koje imamo kao privredni resurs i koje nam daje komparativne prednosti i dovoljno razloga da nikada stanovništvo Kantona Sarajevo ne dovedemo u situaciju da nemaju vode ili da imaju svakodnevne redukcije vode.

Pored snabdijevanja vodom za piće, ovo je idealna prilika za proizvodnju električne energije gdje bi nas proizvedeni kapacitet električne energije doveo u potpunu neovisnost o svim vanjskim uticajima.

Molimo nadležne da što prije pristupe realizaciji Projekta "Višenamjenski vodoprivredni podsistem Crna Rijeka", odnosno da planiraju sredstva u Prijedlogu Budžeta Kantona Sarajevo za 2026.godinu.

Obzirom da Vlada Kantona Sarajevo nije prihvatila naš prijedlog na Nacrt Budžeta za 2026. godinu podnosim ovaj amandman na Prijedlog Budžeta Kantona Sarajevo za 2026.godinu.

Stav predlagača:

Amandman se ne prihvata.

Obrazloženje:

Preduslov za uvrštavanje ove pozicije je rješavanje pravne regulative uključujući proglašenje javnog interesa od strane Skupštine Kantona Sarajevo, kao i uvrštavanje ovog projekta u Program javnih investicija Kantona Sarajevo.

Ukoliko se pravni uslovi stvore u 2026. godini moguće je projekat predvidjeti u okviru programa utroška.

3. Amandmani Hašimbegović Marijele, zastupnice Demokratske fronte u Skupštini Kantona Sarajevo

Poštovani,

Na osnovu člana 151. i 152. Poslovnika Skupštine Kantona Sarajevo („Službene novine Kantona Sarajevo“, br.41/12-Dруги prečišćeni tekst ,15/13 i 47/13) dostavljam Amandmane na Prijedlog Budžeta Kantona Sarajevo za 2026 godinu.

A M A N D M A N I

Iz budžetske pozicije Ministarstva kulture i sporta 22 01 614300 082F Fondacija za kinematografiju izdvajaju se sredstva u iznosu od **2.500.000 KM** i formira se **zasebna analitička kartica (budžetski kod)** pod nazivom: **Fondacija za kinematografiju Kantona Sarajevo**. Ovaj amandman je ključan za **institucionalnu autonomiju i dugoročni razvoj filmske industrije**. Da bi Fondacija za kinematografiju Kantona Sarajevo zaista profunkcionisala kao nezavisno tijelo koje je osnovala Skupština, ona ne smije biti "skrivena" unutar opće kartice Ministarstva. Ujedno ovim amandmanom se vrši usklađivanje budžetskog plana sa statusom Fondacije kao samostalnog pravnog subjekta, čime se jača institucionalni okvir za razvoj filmske industrije u Sarajevu.

Obrazloženje:

S obzirom na to da je Fondacija za kinematografiju Kantona Sarajevo osnovana Odlukom Skupštine Kantona Sarajevo kao zaseban pravni subjekt, neophodno je osigurati njenu punu administrativnu i finansijsku funkcionalnost kroz uvođenje zasebne analitičke kartice u Budžetu KS. Trenutna praksa u kojoj su sredstva Fondacije dio opće pozicije Ministarstva za kulturu i sport onemogućava potpunu transparentnost, usporava operativne procese isplate sredstava filmskim produkcijama i otežava revizorsko praćenje namjenskog utroška sredstava. Prema principima budžetskog prava, svaki pravni subjekt koji ima vlastite organe upravljanja (Upravni odbor, direktora) i odgovornost, trebao bi imati vlastitu budžetsku poziciju (analitičku karticu). To mu omogućava da samostalno aplicira za sredstva, planira rashode i podnosi izvještaje.

Stav predlagača:

Amandman se ne prihvata.



Obrazloženje:

U sklopu Ministarstva kulture i sporta Kantona Sarajevo planirana su dostatna sredstva za Fondaciju za kinematografiju Kantona Sarajevo.

A M A N D M A N II

Izvršiti prenamjenu kreditnog zaduženja u iznosu od 2,200, 000 KM i usmjeriti na stavku 22 01 821600 Nov 082F 'Rekonstrukcija fasade JU Narodno pozorište' planirane u iznosu od 200 KM. Sada ova pozicija iznosi 2,300,000 KM.

Obrazloženje:

Predloženim Amandmanom traže se sredstva za hitnu sanaciju i restauraciju fasade Narodnog pozorišta Sarajevo. Trenutno stanje fasade predstavlja direktnu prijetnju po sigurnost građana i uposlenika Narodnog pozorišta zbog učestalog obrušavanja fasade na javnu površinu. Kao nacionalni spomenik pod zaštitom države, ovaj objekat zahtijeva specifičan restauratorski pristup kako bi se očuvao njegov historijski integritet. Pored estetskog i sigurnosnog aspekta, projektom je predviđeno unapređenje energetske efikasnosti objekta zamjenom postojeće stolarije, čime će se ostvariti značajne uštede u budžetu za tekuće troškove energenata. Obnova fasade Narodnog pozorišta je nužan korak u očuvanju kulturnog identiteta Kantona Sarajevo.

Stav predlagača:

Amandman se ne prihvata.

Obrazloženje:

Za rekonstrukciju fasade Javne ustanove „Narodno pozorište“, Sarajevo u 2026. godini Vlada Kantona Sarajevo obezbjedit će sredstva prenamjenom postojećih kreditnih sredstava.

A M A N D M A N III

Sa budžetske stavke 18 01 0001 Ministarstvo privrede Kantona Sarajevo i stavke 18 01 614300 047F Tekući transfer Turističkoj zajednici KS za sufinansiranje projekata od značaja za razvoj turizma umanjiti iznos za 150, 000 KM i usmjeriti na poziciju: 22 02 0006 22020006 JU "MES-Međunarodni teatarski festival - Scena MESS i stavku 22 02 613900 082F Ugovorene i druge posebne usluge planirane u iznosu od 508,133.

Sada ova pozicija iznosi 658,133 KM.

Obrazloženje:

Predloženim Amandmanom traži se povećanje sredstava na stavci Ugovorene i druge posebne usluge za potrebe produkcije Internacionalnog teatarskog festivala MESS. S obzirom na inflatorne pritiske i značajan porast troškova tehničke produkcije na globalnom nivou, trenutna sredstva nisu dovoljna za održavanje dostignutog nivoa kvalitete. Investiranje u produkciju MESS-a direktno doprinosi promociji Kantona Sarajevo kao kulturnog centra regije, generiše prihode kroz kulturni turizam, te omogućava građanima pristup vrhunskim svjetskim umjetničkim ostvarenjima koja zahtijevaju kompleksnu produkcijsku i tehničku podršku.

Stav predlagača:

Amandman se ne prihvata.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

Obrazloženje:

Planirana su dostatna sredstva za funkcionisanje ove ustanove u skladu sa zahtjevom ustanove.

A M A N D M A N VI

Sa budžetske stavke 14 01 14010001 Ministarstvo saobraćaja Kantona Sarajevo i pozicije 14 01 614400 107F Subvencije za javni prijevoz 15,779,812 33,000,000 umanjiti iznos za 100, 000 KM i usmjeriti na poziciju: 22 02 22020005 JU "Sarajevski ratni teatar i stavku 22 02 613900 082F Ugovorene i druge posebne usluge planirane u iznosu od 311,000KM.

Obrazloženje:

Sarajevski ratni teatar (SARTR) predstavlja jednu od najautentičnijih kulturnih institucija u Bosni i Hercegovini. Njegov značaj nadilazi puku umjetničku produkciju; on je institucija od posebnog javnog interesa koja kroz svoj rad kontinuirano promoviše vrijednosti slobode, suživota i kritičkog razmišljanja.

Dodatno jačanje produkcijskih kapaciteta SARTR-a nužno je iz sljedećih razloga:

- Afirmacija bh. dramskog teksta: SARTR je ključna platforma zapostavljanje tekstova savremenih domaćih autora, čime direktno potiče razvoj domaće književnosti i dramske umjetnosti.
- Inkluzivnost i društveni angažman: Specifičnost SARTR-a je rad na projektima koji tretiraju marginalizirane grupe i društveno relevantne teme, što zahtijeva specifične produkcijske uslove.
- Mobilnost i gostovanja: Povećanje sredstava omogućilo bi češća gostovanja u manjim sredinama unutar BiH, ali i na prestižnim međunarodnim scenama gdje SARTR redovno osvaja nagrade, djelujući kao kulturni ambasador naše zemlje.
- Tehnička modernizacija: Kao teatar koji teži inovativnim scenskim rješenjima, SARTR-u su neophodna sredstva za modernizaciju scenske tehnike kako bi ostao u koraku sa savremenim evropskim teatarskim standardima.

Povećanjem sredstava za produkciju SARTR-a osiguravamo kontinuitet teatra čineći našu kulturnu scenu dinamičnom i relevantnom.

Stav predlagača:

Amandman se ne prihvata.

Obrazloženje:

Planirana su dostatna sredstva za funkcionisanje ove ustanove.

A M A N D M A N VII

Izvršiti prenamjenu kreditnog zaduženja u iznosu od 11,000, 000 KM i usmjeriti na stavku 33 01 0001 33010001 615400 NOV001 056F Izgradnja kotlovnice i rekonstrukcija toplovodne mreže u Vogošći na analitičkoj kartici 33 01 Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo.

Obrazloženje:

Sistem centralnog grijanja u općini Vogošća već dugi niz godina funkcioniše uz ozbiljne tehničke, organizacione i sigurnosne probleme. Postojeće postrojenje kojim upravlja BAGS Energotehnika je



zastarjelo, tehnički nepouzđano, višestruko dokazano da ne može garantovati redovnu i stabilnu isporuku toplotne energije stanovništvu, javnim ustanovama i privredi.

Građani Vogošće su u više navrata bili izloženi kašnjenjima u početku grijne sezone, prekidima isporuke grijanja i potpunoj neizvjesnosti, što direktno ugrožava kvalitet života, zdravlje stanovništva, rad škola, vrtića i zdravstvenih ustanova. Privremena i ad hoc rješenja nisu dala rezultate i ne mogu biti zamjena za trajno sistemsko rješenje.

Izgradnja nove kotlovnice u Vogošći predstavlja prioritetan infrastrukturni projekt s ciljem rješavanja dugogodišnjeg problema zagađenja zraka i nestabilnog snabdijevanja toplotnom energijom. Trenutni sistem koji koristi mazut je ekološki neprihvatljiv i ekonomski neodrživ. Realizacijom ovog projekta, Kanton Sarajevo vrši prelazak na ekološki prihvatljivije energente, značajno smanjuje emisiju štetnih plinova u sarajevskoj kotlini i osigurava energetska neovisnost i sigurnost za više hiljada domaćinstava. Ovaj amandman je direktno uvezan sa ciljevima Zelene agende i obavezama Kantona Sarajevo u borbi protiv aerozagađenja.

Iz navedenih razloga, izgradnja nove, moderne toplane predstavlja nužnu i jedinu dugoročno održivu mjeru za rješavanje problema grijanja u Vogošći. Ovaj projekat je već prepoznat kao prioritet od strane nadležnih institucija Kantona Sarajevo, ali bez jasnog i dostatnog finansijskog okvira njegova realizacija ostaje neizvjesna.

Vlada Kantona Sarajevo, u skladu sa svojim nadležnostima i obavezom da obezbijedi osnovne komunalne usluge građanima, dužna je osigurati sredstva u Budžetu za realizaciju ovog kapitalnog projekta, kako bi se spriječilo ponavljanje višegodišnje krize, zaštitili interesi građana i osigurala energetska sigurnost općine Vogošća.

Stav predlađaća:

Amandman se ne prihvata.

Obrazloženje:

Kada se steknu formalno pravni uslovi za realizaciju projekta Vlada Kantona Sarajevo će razmotriti prenamjenu postojećih kreditnih sredstava.

4. Amandman Ilijaza Pilava, zastupnika Demokratske fronte u Skupštini Kantona Sarajevo

Poštovani, Na osnovu člana 151. i 152. Poslovnika Skupštine Kantona Sarajevo („Službene novine Kantona Sarajevo“, br.41/12-Dруги prečišćeni tekst ,15/13 i 47/13) dostavljam Amandman na Prijedlog Budžeta Kantona Sarajevo za 2026 godinu.

A M A N D M A N I

Sa budžetske stavke 11 614200 011F Tekući transferi pojedincima -Implementacija Zakona o Srebrenici umanjiti iznos za **100.000 KM**, budžetske stavke 11 614300 011F Transfer neprofitnim organizacijama i udruženjima za fin/suf projekata za područja Srebrenice - Implementacija Zakona o Srebrenici umanjiti iznos za **200.000 KM**, budžetske stavke 13 614500 011F Subvencije privatnim preduzećima i poduzetnicima umanjiti iznos za **150,000 KM** i sa budžetske stavke 13 615100 011F Kapitalni transferi drugim nivoima vlasti i fondovima - Implementacija Zakona o Srebrenici umanjiti iznos za **100,000KM**.

Ukupan iznos od **550.000 KM** usmjeriti na stavku: 11 614300 Podrška i pomoć radu Memorijalnom centru Srebrenica-Potočari Spomen obilježje i mezarje za žrtve genocida iz 1995. godine



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

Implementacija Zakona o Srebrenici planiranog u iznosu od 200, 000 KM. Sada ova stavka iznosi **750,000 KM.**

Napomena: Potrebno je izvršiti izmjenu naziva stavke "**Transfer neprofitnim organizacijama i udruženjima za fin/suf projekata za područja Srebrenice...**" koji se mijenja se i glasi: "**Transfer neprofitnim organizacijama i udruženjima KOJA SE BAVE MEMORIJALIZACIJOM GENOCIDA U SREBRENICI za fin/suf projekata za područja Srebrenice - Implementacija Zakona o Srebrenici**"

Obrazloženje:

Predloženim Amandmanom vrši se strateška preraspodjela sredstava unutar Ureda Vlade Kantona Sarajevo za podršku Srebrenici s ciljem jačanja institucionalne uloge Memorijalnog centra Srebrenica kao centralne tačke očuvanja istine o genocidu. Smatram da je svrsishodnije i transparentnije sredstva usmjeriti u kapitalne i istraživačke projekte Memorijalnog centra, umjesto dosadašnje prakse dodjele sredstava pojedincima, čime se osigurava dugoročni efekt uloženog javnog novca. Također, preciziranjem naziva transfera za neprofitne organizacije, jasno se definiše namjena sredstava isključivo za projekte memorijalizacije, čime se sprječava nenamjensko trošenje i osigurava podrška udruženjima koja su direktno angažovana na zaštiti historijskog sjećanja i borbi protiv negiranja genocida.

Stav predlagača:

Amandman se ne prihvata.

Obrazloženje:

Sredstva na poziciji Memorijalni centar Potočari su dostatna za planirane aktivnosti.

5. Amandmani Kluba zastupnika Stranke demokratske akcije u Skupštini Kantona Sarajevo

1. AMANDMAN – Povećanje podrške poduzetničkim zonama i poslovnim inkubatorima

U Prijedlogu Budžeta Kantona Sarajevo za 2026. godinu, u okviru razdjela: 1801 0001 Ministarstvo privrede KS na ekonomskom kodu 615100 IAI007 - Infrastrukturno uređenje i rješavanje imovinsko-pravnih odnosa poduzetničkih zona na području Kantona Sarajevo i sufinansiranje projekata općinskih poslovnih inkubatora **povećava se iznos za 2.000.000 KM.** Istovremeno **umanjuje se iznos od 2.000.000 KM** na istom razdjelu budžeta na poziciji 615100 IAU001 - Podrška projektima ZOI 84 Olimpijski centar Sarajevo d.o.o.

Obrazloženje:

Prema podacima objavljenim u posljednjem Globalnom izvještaju o poduzetništvu u BiH se manje od 6% radno sposobnog stanovništva u BiH uspješno bavi poduzetništvom. Po tom pokazatelju BiH veoma mnogo zaostaje za susjednim zemljama Hrvatskom (8,7%) i Slovenijom (8,4%). Podrška poduzetništvu putem ulaganja u poduzetničke zone i poslovne inkubatore jedna je od najefektnijih instrumenata za održivo poslovanje novih biznisa u kritičnom periodu od 3 do 3,5 godine. Ovim amandmanom se predlaže nastavak sufinansiranja izgradnje i opremanja poslovnih i industrijskih zona i općinskih poslovnih inkubatora na području KS.

Stav predlagača:

Amandman se ne prihvata.



Obrazloženje:

Sredstva su dostatna u okviru postojeće pozicije Infrastrukturno uređenje i rješavanje imovinsko-pravnih odnosa poduzetničkih zona na području Kantona Sarajevo i sufinansiranje projekata općinskih poslovnih inkubatora, kroz razgraničena sredstva iz prethodnih godina.

2. Amandman - Subvencije za zamjenu peći na čvrsta goriva toplotnim pumpama za domaćinstva u KS

U Prijedlogu Budžeta Kantona Sarajevo za 2026. godinu, u okviru razdjela: 3301 0001 Ministarstvo privrede komunalne privrede, infrastrukture, prostornog uređenja, građenja i zaštite okoliša KS na ekonomskom kodu 614200 YAM001 - Tekući transferi pojedincima **povećava se** iznos za 500.000 KM. Istovremeno **umanjuje se** iznos od 500.000 KM na istom razdjelu budžeta na poziciji 613900 JAK008 - Finansiranje troškova iz segmenta zajedničke i individualne komunalne potrošnje.

Obrazloženje:

Amandmanom se predlaže povećanje sredstava za podršku individualnim domaćinstvima za prelazak na ekološki prihvatljive sisteme grijanja. Time se na najbrži način utječe na smanjenje PM čestica zimi koje su glavni zagađivač zraka u KS. Amandman je u skladu sa Strategijom razvoja KS za period 2021-2027, naveden je kao prioritet za realizaciju strateškog cilja Resursno efikasan i održiv razvoj KS sa fokusom na okoliš i javnu infrastrukturu u funkciji održivog razvoja i podizanja kvaliteta života ljudi.

Stav predlagača:

Amandman se ne prihvata.

Obrazloženje:

Vlada Kantona Sarajevo se kreditno zadužila za ovu namjenu putem Svjetske banke u iznosu od 30.000.000 KM i realizacija projekta je u toku.

3. Amandman: Pametna rasvjeta i video nadzor na pješačkim zonama i pješačkim prelazima na saobraćajnicama u KS

U Prijedlogu Budžeta Kantona Sarajevo za 2026. godinu, u okviru razdjela: 1401 0001 Ministarstvo saobraćaja KS na ekonomskom kodu 821300 EAX015 – Nabavka opreme **povećava se** iznos za 600.000 KM. Istovremeno **umanjuje se** iznos od 600.000 KM na istom razdjelu budžeta na poziciji 614400 EAO010 – Subvencije za javni prevoz.

Obrazloženje:

Instalacija LED pametne rasvjete sa senzorima pokreta i nadzornim kamerama na ključnim šetalištima i pješačkim prelazima. Time se postiže povećanje osjećaja sigurnosti građana i turista, uz istovremenu uštedu električne energije. Prijedlogom amandmana se ostvaruje jedna od prilika navedenih kao Smart city projekat u Strategiji razvoja KS. Predloženim smanjenjem sredstava za podršku realizaciji ovog amandmana se neće ugroziti subvencije za javni prevoz za kategorije koje koriste subvencije za javni prevoz u KS. Napominjemo da je i uz predloženo smanjenje ove vrste subvencija ukupni iznos i dalje veći nego što je planiran za 2025. g.

Stav predlagača:

Amandman se ne prihvata.



Obrazloženje:

U Budžetu Kantona Sarajevo za 2026. godinu planirana su sredstva za izgradnju 18 pametnih pješačkih prelaza.

4. AMANDMAN Rekonstrukcija domova zdravlja u Kantonu Sarajevo

U Prijedlogu Budžeta Kantona Sarajevo za 2026. godinu **uvodi se nova budžetska pozicija** u okviru: **27010001 – Ministarstvo zdravstva Kantona Sarajevo**, kako slijedi: **Ekonomski kod: 615 100 – Kapitalni transferi za zdravstvene ustanove. Naziv pozicije: „Rekonstrukcija domova zdravlja u Kantonu Sarajevo i nabavka medicinske opreme – Faza I“ Iznos: 3.000.000,00 KM**. Sredstva za ovaj amandmana obezbjeđuju se **umanjenjem sredstava** na sljedećoj budžetskoj poziciji: **Razdjel: 33010001 – Ministarstvo komunalne privrede, infrastrukture, prostornog uređenja, građenja i zaštite okoliša KS. Ekonomski kod: 615 100 – Kapitalni transferi Gradu i općinama (ostali kapitalni projekti). Iznos umanjenja: 3.000.000,00 KM**. Ukupni iznos Budžeta Kantona Sarajevo za 2026. godinu ne mijenja se.

Obrazloženje:

Domovi zdravlja u Kantonu Sarajevo predstavljaju **temelj zdravstvenog sistema**, jer se na primarnom nivou zdravstvene zaštite pruža **oko 70% ukupnih zdravstvenih usluga** građanima Kantona Sarajevo. Uprkos toj činjenici, veliki broj objekata domova zdravlja suočava se sa: dotrajalom infrastrukturom, neadekvatnim ordinacijama i sanitarnim čvorovima, zastarjelom ili nedovoljnom medicinskom opremom, nedostatkom osnovnog potrošnog i dijagnostičkog materijala, što direktno utiče na kvalitet, dostupnost i sigurnost zdravstvene zaštite. U Prijedlogu Budžeta Kantona Sarajevo za 2026. godinu **nisu planirana systemska i sveobuhvatna sredstva** za faznu rekonstrukciju domova zdravlja i njihovo opremanje, iako se radi o ustanovama koje nose najveći teret zdravstvene zaštite stanovništva. Predloženim amandmanom: osiguravaju se sredstva za **Fazu I rekonstrukcije domova zdravlja**, uključujući najkritičnije infrastrukturne zahvate, omogućava se **nabavka neophodne medicinske opreme i materijala za rad**, • stvara se osnova za **fazno finansiranje** u narednim budžetskim godinama, • jača se primarni nivo zdravstvene zaštite, čime se dugoročno rasterećuju bolnički kapaciteti i smanjuju troškovi zdravstvenog sistema. Ulaganje u domove zdravlja nije trošak, nego **najisplativija i najodgovornija investicija u zdravlje građana**, jer kvalitetan primarni nivo zdravstvene zaštite znači manji pritisak na bolnice, kraće liste čekanja i dostupniju zdravstvenu uslugu.

Stav predlaaga:

Amandman se ne prihvata.

Obrazloženje:

U Budžetu Kantona Sarajevo za 2026. godinu u okviru Ministarstva zdravstva Kantona Sarajevo planirana su sredstva za rekonstrukcije u domovima zdravlja.

5. AMANDMAN Izgradnja objekta JU Osnovna škola ‘Rosulje’

U Prijedlogu Budžeta Kantona Sarajevo za 2026. godinu, u okviru razdjela: **24010001 – Ministarstvo za odgoj i obrazovanje Kantona Sarajevo**, uvodi se nova budžetska pozicija – novi ekonomski kod, kako slijedi: **Ekonomski kod: 615 100 – Kapitalni transferi za izgradnju objekata obrazovanja • Naziv pozicije: „Izgradnja objekta JU Osnovna škola ‘Rosulje’ u Općini Vogošća – Faza I (početak radova)“ Iznos: 1.000.000,00 KM**. Sredstva za amandmana obezbjeđuju se **umanjenjem sredstava** na sljedećoj budžetskoj poziciji: **Razdjel: 24010001 – Ministarstvo za odgoj i obrazovanje Kantona Sarajevo Ekonomski kod: 821 000– Izdaci za nabavku stalnih**

sredstava Iznos umanjenja: 1.000.000,00 KM Ukupni iznos Budžeta Kantona Sarajevo za 2026. godinu ne mijenja se.

Obrazloženje:

Izgradnja objekta JU Osnovna škola „Rosulje“ u Općini Vogošća predstavlja projekat od izuzetnog javnog, društvenog i obrazovnog značaja, što je potvrđeno kroz: izmjene i dopune Regulacionog plana „Rosulje“, riješene imovinsko-pravne odnose u korist Općine Vogošća, izrađenu i revidiranu projektnu dokumentaciju, elaborat o društveno-ekonomskoj opravdanosti osnivanja JU OŠ „Rosulje“, • te zaključen **Sporazum o regulisanju međusobnih odnosa između Ministarstva za odgoj i obrazovanje KS, Općine Vogošća i Zavoda za izgradnju KS**, kojim su jasno definisane obaveze svih strana u realizaciji projekta. U Prijedlogu Budžeta Kantona Sarajevo za 2026. godinu **nije planirana posebna budžetska pozicija niti otvoren ekonomski kod** za realizaciju ovog projekta, iako su ispunjeni svi ključni planski, pravni i tehnički preduslovi za početak gradnje. Predloženim amandmanom obezbjeđuju se sredstva za **Fazu I – početak radova**, čime se: omogućava formalni i stvarni početak realizacije projekta, stvara osnov za fazno finansiranje u narednim budžetskim godinama, • osigurava usklađenost Budžeta KS sa već preuzetim obavezama iz zaključenog Sporazuma, štiti javni interes djece, roditelja i lokalne zajednice Općine Vogošća.

Stav predlagača:

Amandman se ne prihvata.

Obrazloženje:

Kreditna sredstva za financiranje dijela izgradnje OŠ „Rosulje“ su obezbjeđenja u prethodnim godinama (kreditno zaduženje) i 2026. godine biti će na raspolaganju kada se utvrdi popis razgraničenih sredstava.

6. AMANDMAN Razvoj i implementacija mobilne aplikacije za prijavu nasilja.

U Prijedlogu Budžeta Kantona Sarajevo za 2026. godinu, u okviru razdjela: **34030001 – Ministarstvo unutrašnjih poslova Kantona Sarajevo**, uvodi se nova budžetska pozicija – novi ekonomski kod, kako slijedi: **Ekonomski kod: 614000 – Tekući transferi za programe javne sigurnosti • Naziv pozicije: „Razvoj i implementacija mobilne aplikacije za prijavu nasilja i direktnu komunikaciju sa Policijom KS“ Iznos: 100.000,00 KM**. Sredstva za ovaj amandmana obezbjeđuju se **umanjenjem sredstava** na sljedećoj budžetskoj poziciji: **Razdjel: 34030001 – Ministarstvo unutrašnjih poslova Kantona Sarajevo • Ekonomski kod: 615 100 – Kapitalni transferi Gradu i općinama (ostali kapitalni projekti) Iznos umanjenja: 100.000,00 KM**. Ukupni iznos Budžeta Kantona Sarajevo za 2026. godinu **ne mijenja se**.

Obrazloženje:

U skladu sa inicijativom podnesenom od zastupnika Faruka Selmanovića, a zbog **nedostatka adekvatnih tehnoloških rješenja za prijavu nasilja i poboljšanje komunikacije građana sa nadležnim policijskim organima**, neophodno je da se u Budžet Kantona Sarajevo **uključi nova budžetska stavka** za: razvoj mobilne aplikacije koja će omogućiti **brzu i jednostavnu prijavu nasilja, nasilnih radnji i ugrožavanja sigurnosti građana**, direktnu komunikaciju sa Policijom KS, olakšati rad Operativnog centra i smanjiti opterećenje telefonskih linija, • unaprijediti evidenciju i statistiku događaja u realnom vremenu. Ova inicijativa je ranije javno predstavljena s ciljem da se građanima omogući bolja veza sa policijom, unaprijedi reakcija u hitnim situacijama i poboljša praćenje kriminalnih aktivnosti u realnom vremenu — s ciljem zaštite najugroženijih članova društva. Predloženim amandmanom obezbjeđuje se sredstva za izradu i prvu fazu implementacije ove aplikacije. Ova investicija predstavlja direktnu podršku sigurnosti građana Kantona Sarajevo i



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

modernizaciji odgovora javnih službi na prijave nasilja, uz jasno definiran budžetski okvir u 2026. godini.

Stav predlagača:

Amandman se ne prihvata.

Obrazloženje:

Kada se steknu uslovi za realizaciju ovog projekta obezbjedit će se sredstva kroz program utroška u razdjelu Ministarstva unutrašnjih poslova Kantona Sarajevo, a u skladu sa strateškim opredjeljenima Ministarstva unutrašnjih poslova Kantona Sarajevo.

7. Amandman Izgradnja toplovodne kotlovnice u Općini Vogošća

U Prijedlogu Budžeta Kantona Sarajevo za 2026. godinu, u okviru razdjela: **33010001 – Ministarstvo komunalne privrede, infrastrukture, prostornog uređenja, građenja i zaštite okoliša KS** uvodi se nova budžetska stavka: **Naziv projekta: Izgradnja toplovodne kotlovnice u Općini Vogošća. Ekonomski kod: 615100 – Kapitalni transferi Gradu i općinama. Iznos: 2.000.000 KM.** Sredstva za amandmana obezbjeđuju se **umanjenjem sredstava** na sljedećoj budžetskoj stavci: **Razdjel: 33010001 – Ministarstvo komunalne privrede, infrastrukture, prostornog uređenja, građenja i zaštite okoliša KS. Ekonomski kod: 615100 – Kapitalni transferi Gradu i općinama (ostali kapitalni projekti).** **Namjena:** Kapitalni projekti čija realizacija nije započeta u 2026. godini. **Iznos umanjenja: 2.000.000 KM.** Ukupni iznos Budžeta Kantona Sarajevo za 2026. godinu **ne mijenja se.** Sredstva iz ovog amandmana namijenjena su za: početak realizacije projekta izgradnje nove toplovodne kotlovnice u Općini Vogošća, • finansiranje prve faze projekta (građevinski radovi, osnovna oprema i infrastruktura), • trajno rješavanje problema grijanja za više od 600 domaćinstava na području općine Vogošća.

Obrazloženje:

U Prijedlogu Budžeta Kantona Sarajevo za 2026. godinu **nisu planirana sredstva za izgradnju nove kotlovnice u Općini Vogošća**, iako se u budžetskom dokumentu navodi da: su pokrenute aktivnosti na realizaciji projekta, je vrijednost projekta procijenjena na **11 miliona KM**, je cilj projekta trajno rješavanje problema grijanja u Općini Vogošća. Neplaniranje sredstava za ovaj kapitalni projekat predstavlja ozbiljan propust, jer se radi o osnovnoj komunalnoj infrastrukturi i egzistencijalnom pitanju velikog broja građana. Predloženim amandmanom sredstva se osiguravaju **preraspodjelom unutar postojećih kapitalnih transfera**, bez povećanja ukupnog budžeta, sa projekata čija realizacija nije započeta u 2026. godini, na projekat od neposrednog javnog interesa.

Stav predlagača:

Amandman se ne prihvata.

Obrazloženje:

Vlada Kantona Sarajevo započela je realizaciju ovog projekta i kada se dobije građevinska dozvola i ostala dokumentacija obezbjedit će se sredstva unutar postojećeg budžeta.

8. AMANDMAN Subvencije mladima za kupovinu prve stambene nekretnine

U Prijedlogu Budžeta Kantona Sarajevo za 2026. godinu uvodi se nova budžetska pozicija u okviru: **26010001 – Ministarstvo za nauku, visoko obrazovanje i mlade Kantona Sarajevo, kako slijedi: Ekonomski kod: 614 200 – Tekući transferi pojedincima** **Naziv pozicije: „Subvencije mladima za kupovinu prve stambene nekretnine“** **Iznos: 5.000.000,00 KM** Sredstva za amandmana obezbjeđuju se **umanjenjem sredstava** na sljedećoj budžetskoj poziciji: **Razdjel: 33010001 – Ministarstvo**



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-000, Fax: + 387 (0) 33 562-076

Web: <http://vlada.ks.gov.ba>, E-mail: vlada@vlada.ks.gov.ba

komunalne privrede, infrastrukture, prostornog uređenja, građenja i zaštite okoliša KS, Ekonomski kod: 615 300 – Kapitalni transferi neprofitnim organizacijama, Iznos umanjena: 5.000.000,00 KM. Ukupni iznos Budžeta Kantona Sarajevo za 2026. godinu ne mijenja se.

Obrazloženje:

U Prijedlogu Budžeta Kantona Sarajevo za 2026. godinu nije planirana nijedna budžetska stavka namijenjena subvencioniranju mladih za kupovinu prve stambene nekretnine, iako je pitanje stambenog zbrinjavanja mladih jedno od ključnih društvenih i demografskih pitanja u Kantonu Sarajevo. Visoke cijene nekretnina, rast kamatnih stopa i inflacija doveli su do toga da veliki broj mladih, i pored zaposlenja, nije u mogućnosti samostalno riješiti stambeno pitanje, što direktno utiče na odlazak mladih iz Kantona Sarajevo. Neusvajanjem ovakve mjere Kanton Sarajevo nastavlja praksu u kojoj se mladi sistemski zanemaruju, dok se budžetska sredstva dominantno usmjeravaju na tekuću potrošnju i sanaciju ranijih deficita.

Stav predlažuća:

Amandman se ne prihvata.

Obrazloženje:

Resorno ministarstvo radi na izradi Strategije stambenog zbrinjavanja mladih Kantona Sarajevo i u opciji je izgradnja 300 stambenih jedinica koje će biti na raspolaganju mladima putem Kantonalnog stambenog fonda Sarajevo.

9. AMANDMAN ekonstrukcija kotlovnice, mokrih čvorova, kuhinje i menze u studentskim domovima Kantona Sarajev

U Prijedlogu Budžeta Kantona Sarajevo za 2026. godinu **uvodi se nova budžetska pozicija** u okviru: **25010001 – Ministarstvo za nauku, visoko obrazovanje i mlade Kantona Sarajevo**, kako slijedi: **Ekonomski kod: 615 100 – Kapitalni transferi za rekonstrukciju i investiciono održavanje** Naziv pozicije: **„Rekonstrukcija kotlovnice, mokrih čvorova, kuhinje i menze u studentskim domovima Kantona Sarajevo“** Iznos: **2.000.000,00 KM**. Sredstva za ovaj amandmana obezbjeđuju se **umanjem sredstava** na sljedećoj budžetskoj poziciji: **Razdjel: 33010001 – Ministarstvo komunalne privrede, infrastrukture, prostornog uređenja, građenja i zaštite okoliša KS. Ekonomski kod: 615 100 – Kapitalni transferi Gradu i općinama (ostali kapitalni projekti). Iznos umanjena: 2.000.000,00 KM**. Ukupni iznos Budžeta Kantona Sarajevo za 2026. godinu **ne mijenja se**.

Obrazloženje:

Studentski domovi u Kantonu Sarajevo predstavljaju ključnu infrastrukturu za smještaj studenata iz svih dijelova Bosne i Hercegovine. Međutim, stanje objekata, posebno u dijelu: sistema grijanja (kotlovnice), mokrih čvorova, kuhinje i menze, duži niz godina je **neadekvatno, zapušteno i ispod minimalnih higijenskih i sigurnosnih standarda**. U prethodnom periodu zabilježeni su ozbiljni problemi u radu kotlovnica, uključujući kvarove, obustave grijanja i sigurnosne rizike, dok su sanitarni čvorovi i kuhinjski prostori u stanju koje direktno ugrožava zdravlje i dostojanstvo studenata. U Prijedlogu Budžeta Kantona Sarajevo za 2026. godinu **nisu planirana posebna sredstva** za sveobuhvatnu rekonstrukciju ovih ključnih segmenata studentskog standarda, iako se radi o infrastrukturnim zahvatima od hitnog i neodložnog značaja. Predloženim amandmanom: obezbjeđuju se dio sredstva za **rekonstrukciju i modernizaciju kotlovnica**, čime se osigurava stabilno i sigurno grijanje, omogućava se **sanacija mokrih čvorova** u skladu sa zdravstveno-higijenskim standardima, unapređuju se uslovi rada kuhinje i menze, čime se direktno utiče na kvalitet



ishrane i života studenata, štiti se javni interes i studentski standard kao strateški interes Kantona Sarajevo.

Stav predlagača:

Amandman se ne prihvata.

Obrazloženje:

Vlada Kantona Sarajevo je u resoru Ministarstva za nauku, visoko obrazovanje i mlade Kantona Sarajevo planirala sredstva za sanaciju mokrih čvorova, a u Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo za izgradnju kotlovnice.

10. AMANDMAN Izgradnja tribine na stadionu FK Radnik u Općini Hadžići

U Prijedlogu Budžeta Kantona Sarajevo za 2026. godinu, u okviru razdjela: **22010001 – Ministarstvo kulture i sporta Kantona Sarajevo**, uvodi se nova budžetska pozicija – novi ekonomski kod, kako slijedi: **Ekonomski kod: 615 100 – Kapitalni transferi Gradu i općinama iz oblasti sporta**
Naziv pozicije: „Izgradnja tribine na stadionu FK Radnik u Općini Hadžići“. Iznos: **1.000.000,00 KM**

Sredstva za ovaj amandmana obezbjeđuju se **umanjenjem sredstava** na sljedećoj budžetskoj poziciji: **Razdjel: 22010001 – Ministarstvo kulture i sporta Kantona Sarajevo, Ekonomski kod: 614 300 – Tekući transferi neprofitnim organizacijama iz oblasti sporta i inkluzija, Iznos umanjenja: 1.000.000,00 KM.** Ukupni iznos Budžeta Kantona Sarajevo za 2026. godinu **ne mijenja se.**

Obrazloženje:

Predloženi amandman ima za cilj osiguranje finansijskih sredstava za realizaciju projekta „Izgradnja tribine na stadionu FK Radnik u Općini Hadžići“ i sufinansiranje istog, koji je već uvršten u Plan javnih investicija (PJI) Vlade Kantona Sarajevo, čime je potvrđena njegova strateška i razvojna opravdanost. Realizacijom ovog projekta unapređuje se sportska infrastruktura na području Općine Hadžići i Kantona Sarajevo, stvaraju se kvalitetniji uslovi za treninge i takmičenja, te se doprinosi razvoju sporta, posebno omladinskog i amaterskog sporta. Projekat ima višestruki značaj, ne samo u sportskom smislu, već i u društvenom, kulturnom i obrazovnom kontekstu, s obzirom na ulogu sportskih kolektiva u radu s djecom i mladima, promociji zdravih stilova života i jačanju lokalne zajednice i kantona. Sredstva za realizaciju projekta osiguravaju se preraspodjelom unutar istog razdjela Ministarstva kulture i sporta, bez povećanja ukupnog iznosa Budžeta Kantona Sarajevo za 2026. godinu, čime se zadržava fiskalna stabilnost i poštuju budžetski okviri.

Stav predlagača:

Amandman se ne prihvata.

Obrazloženje:

Pomenuti klub i Općina Hadžići nisu dostavili zahtjev niti projektnu dokumentaciju, te kada se stvore uslovi i dostavi zahtjev Vlada Kantona Sarajevo će razmotriti finansiranje ovog projekta.

11. AMANDMAN Finansiranje rada Postrojenja za prečišćavanje otpadnih voda Trnovo

U Prijedlogu Budžeta Kantona Sarajevo za 2026. godinu, u okviru razdjela: **33010001 – Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo**, uvodi se nova budžetska pozicija, kako slijedi: • **Ekonomski kod: 614 400 – Tekući**



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

transferi javnim preduzećima • Naziv pozicije: „Finansiranje rada Postrojenja za prečišćavanje otpadnih voda Trnovo“ • Iznos: 200.000,00 KM. Sredstva iz tačke I ovog amandmana obezbjeđuju se umanjnjem sredstava na sljedećoj budžetskoj poziciji: • Razdjel: 33010001 – Ministarstvo komunalne privrede, infrastrukture, prostornog uređenja, građenja i zaštite okoliša KS • Ekonomski kod: 615 100 – Kapitalni transferi Gradu i općinama (ostali kapitalni projekti) • Iznos umanjenja: 200.000,00 KM Ukupan iznos Budžeta Kantona Sarajevo za 2026. godinu ne mijenja se.

Obrazloženje:

Nacrtom Budžeta Kantona Sarajevo za 2026. godinu nisu planirana sredstva za finansiranje rada Postrojenja za prečišćavanje otpadnih voda Trnovo, iako se Vlada Kantona Sarajevo, odnosno Ministarstvo komunalne privrede i infrastrukture, Sporazumom o definisanju statusa Postrojenja za prečišćavanje otpadnih voda Trnovo, potpisanim u maju 2018. godine između Ministarstva, KJKP „ViK“ d.o.o. Sarajevo i Općine Trnovo, izričito obavezala na nastavak finansiranja rada postrojenja. Navedenim Sporazumom postrojenje je od 01.04.2018. godine prešlo u nadležnost JKP „Trnovo“ d.o.o. Trnovo, uz jasno definisanu obavezu Ministarstva da obezbjeđuje sredstva za njegov rad. U 2018. godini iznos finansiranja iznosio je 150.000,00 KM. Imajući u vidu: • značajan rast cijena električne energije, • povećane troškove rada i održavanja, • inflatorna kretanja u proteklom periodu, procjenjuje se da je za nesmetan i siguran rad postrojenja u 2026. godini potrebno minimalno 200.000,00 KM. Posebno se naglašava da se na ovom postrojenju vrši prečišćavanje otpadnih voda koje dolaze sa teritorije RS Trnovo, te da JKP „Trnovo“ d.o.o. Trnovo ne ostvaruje nikakav finansijski prihod po osnovu prihvata i prečišćavanja fekalne kanalizacije, zbog čega nije u mogućnosti samostalno finansirati njegov rad. U slučaju izostanka finansiranja od strane Kantona Sarajevo, došlo bi do obustave rada postrojenja, što bi za direktnu posljedicu imalo ispuštanje neprečišćenih fekalnih voda u rijeku Željeznicu, čime bi se ugrozila: • zaštita okoliša, • javno zdravlje, • te izvorišta i sistem vodosnabdijevanja Sarajeva. Predloženim amandmanom: • izvršava se ranije preuzeta ugovorna obaveza Kantona Sarajevo, • sprječava se ekološki incident i zagađenje rijeke Željeznice, • osigurava se kontinuitet rada postrojenja od značaja za širu regiju.

Stav predlagača:

Amandman se ne prihvata.

Obrazloženje:

Kada se steknu preduslovi za finansiranje ovog projekta Vlada Kantona Sarajevo će obezbijediti sredstva za realizaciju istog.

6. Amandmani Vujović Vedralne, zastupnice Demokratske fronte u Skupštini Kantona Sarajevo

U skladu sa članovima 151. i 152. Poslovnika o radu Skupštine Kantona Sarajevo, podnosim amandmane na Prijedlog Budžeta Kantona Sarajevo za 2026. godinu:

AMANDMAN I

Umanjuje se sljedeća pozicija

JU Institut za razvoj preduniverzitetskog obrazovanja Kantona Sarajevo *Ugovorene i druge posebne usluge* ekonomski kod 613900 Nov 098F Studijske posjete Od rata do mira za 500.000 KM.

Uvećava se pozicija

Ministarstvo pravde i uprave ekonomski kod 614400 CAO002 083F Subvencije javnim preduzećima - JP Televizija Kantona Sarajevo za 500.000 KM.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

Obrazloženje:

Uvećanjem ove pozicije stvorili bi se uslovi za povećanje plata uposlenika Televizije Sarajevo i drugih materijalno-tehničkih resursa za kvalitetniji programski sadržaj.

Stav predlagača:

Amandman se ne prihvata.

Obrazloženje:

Planirana su dostatna sredstva za funkcionisanje Javnog preduzeća „Televizija Kantona Sarajevo“ d.o.o. Sarajevo.

AMANDMAN II

Umanjuje se sljedeća pozicija

JU Institut za razvoj preduniverzitetskog obrazovanja Kantona Sarajevo *Ugovorene i druge posebne usluge* ekonomski kod 613900 Nov 098F Studijske posjete Od rata do mira za 300 000 KM.

Uvećava se pozicija

Ministarstvo pravde i uprave ekonomski Kapitalni transferi javnim preduzećima ekonomski kod 615400 CAU003 083F Nabavka opreme za TVSA za 300.000 KM

Obrazloženje:

Uvećanjem ove pozicije osigurava se dodatni novac za bolju i kvalitetniju nabavku, kreiranje i produkciju programa Televizije Sarajevo.

Stav predlagača:

Amandman se ne prihvata.

Obrazloženje:

Planirana su dostatna sredstva za funkcionisanje Javnog preduzeća „Televizija Kantona Sarajevo“ d.o.o. Sarajevo.

AMANDMAN III

Umanjuje se sljedeća pozicija

JU Institut za razvoj preduniverzitetskog obrazovanja Kantona Sarajevo *Ugovorene i druge posebne usluge* ekonomski kod 613900 Nov 098F Studijske posjete Od rata do mira za 100.000 KM.

Uvećava se pozicija

Javna ustanova Terapijska zajednica – Kampus Kantona Sarajevo Rekonstrukcija i investiciono održavanje ekonomski kod 821600 107F za 100.000 KM.

Obrazloženje:

Osiguranjem sredstava u iznosu od 100.000 KM u 2026. godini napravo bi se prvi konkretan korak u pripremi projekta čime bi se krenulo u izgradnju ženske kuće za ovisnice koji je već godina neophodna Terapijskoj zajednici i Kantonu Sarajevo.

Stav predlagača:

Amandman se ne prihvata.

Obrazloženje:

Planirana su dostatna sredstva za funkcionisanje Javne ustanove Terapijska zajednica - Kampus Kantona Sarajevo.



Dostaviti:

1. Predsjedavajući Skupštine Kantona Sarajevo,
- ② Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Sekretar Skupštine Kantona Sarajevo,
5. Premijer Kantona Sarajevo,
6. Ministarstvo finansija Kantona Sarajevo,
7. Evidencija,
8. A r h i v a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba